

O maio

Obra: Aires da miña terra

Autor: Manuel Curros Enríquez

Tipo de texto: Poético

Aí vén o maio
de frores cuberto ...
Puxéronse á porta
cantándome os nenos;
i os puchos furados
pra min estendendo,
pedíronme crocas
dos meus castiñeiro.

Pasai, rapaciños,
calados e quedos;
que o que é polo de hoxe
que darvos non teño.
Eu sonvos o probe
do pobo gallego:
pra min non hai maio,
pra min sempre é inverno! ...

Cando eu me atopare
de donos libertos
i o pan non me quiten
trabucos e préstemos,
e como os do abade
frezan meus eidos,
chegado habrá estoncés
o maio que eu quero ...

Queredes castañas
dos meus castiñeiro? ...
Cantádeme un maio
sin bruxas nin demos;
un maio sin segas,
usuras nin preitos,
sin quintas, nin portas,
nin foros, nin cregos.